



Gospodaru moj, popravi mi vjeru moju u kojoj je moja zaštita,

Ebu Hurejra, radijallahu anhu, prenosi da je Allahov Poslanik, sallallahu alejhi ve sellem, učio: "Gospodaru moj, popravi mi vjeru moju u kojoj je moja zaštita, popravi mi moj dunjaluk na kojem živim i popravi mi Ahiret na koji se vraćam; učini da mi život bude povećanje svakog dobra, a da mi smrt bude olakšanje od svakog zla."

[Vjerodostojan] [Hadis bilježi imam Muslim]

Poslanik, sallallahu alejhi ve sellem, u svojoj dovi sakupio je za temeljne vrline koje je poslat da upotpuni. Ove vrline obuhvataju: dobrobit u čovjekovoj vjeri, u čovjekovom dunjaluku, i u čovjekovom Ahiretu. U ovoj kratkoj, ali sažetoj dovi, naglasio je važnost ispravnosti u ove tri sfere, počevši od ispravnosti vjere, jer s njom dolazi spas i uspjeh na oba svijeta. "Gospodaru moj, popravi mi vjeru moju", tj. uputi me da postupam prema pravilima vjere na najbolji način. "u kojoj je moja zaštita", tj. vjeru koja čuva sve moje stvari i poslove. Ako se iskvari moja vjera, pokvariće se i sve što je vezano za mene, i tada ću biti izgubljen i na gubitku. Također, ispravnost i potpunost vjere ne mogu se ostvariti bez popravljivanja stanja na ovom svijetu, pa zato dodaje: "...i popravi mi dunjaluk moj...", dajući mi zdravlje, sigurnost, opskrbu, dobru suprugu, plemenitu djecu i sve što mi je potrebno, a da bude halal i da mi pomaže u pokornosti Tebi. Nakon toga, obrazložio je dovu vezanu za ovaj svijet, rekavši: "...na kojem živim...", tj. ovaj svijet na kojem boravim za vrijeme svoga života. Također, molio je za dobro onoga svijeta, kazavši: "...i popravi mi Ahiret na koji se vraćam...", tj. gdje ću se vratiti Tebi, a taj popravak se postiže ispravnim djelima, da nas Allah uputi ka iskrenom obožavanju Njega i da nam podari lijepu završnicu na ovome svijetu. Poslanik, sallallahu alejhi ve sellem, spomenuo je Ahiret nakon dunjaluka jer je dunjaluk sredstvo koje nas vodi ka uspjehu na Ahiretu. Onaj ko bude ustrajan u činjenju onoga što mu je Allah naredio na ovom svijetu, bit će spašen i sretan u budućem životu. "...i neka mi život", koji živim na ovom svijetu bude; "povećanje svakog dobra", odnosno da što više činim dobra djela; "a smrt", i njeno ubrzanje - ako mi je ubrzaš, "neka bude olakšanje od svakog zla", od iskušenja, nemarnosti, te spas od poteškoća i briga.

النجاة الخيرية
ALNAJAT CHARITY

